

四庫全書

集部

欽定四庫全書

成都文類卷五

宋扈仲榮等編

詩

寺觀

暮登四安寺鐘樓寄裴十 唐杜甫

暮倚高樓對雪峯僧來不語自鳴鐘孤城返照紅將斂
近市浮煙翠且重多病獨愁常閑寂故人相見未從客

知君苦思緣詩瘦大向交遊萬事慵

題武檐寺西臺詩

唐段文昌

秋天如鏡空樓閣盡玲瓏水暗餘霞外山明落照中鳥
行看漸遠松韵聽難窮今日登臨地多歡語笑同

同前

唐姚向

開閣錦城中餘閒訪梵宮九層連晝景萬象寫秋空天
半將身到江長與海通提携出塵土曾是穆清風

同前

唐溫和

桑門煙樹中臺榭造雲空眺聽逢秋興篇辭變國風坐
愁高鳥起笑指遠人同始媿才情薄躋攀繼韵窮

同前

唐楊汝士

清淨此道宮層臺復倚空偶時三伏外列席九霄中平
視雲端路高臨樹杪風自憐榮末座前日別池籠

同前

唐李敬伯

臺上起涼風乘閑覽歲功自隨台席貴盡許羽觴同樓
殿斜暉照江山極望通賦詩思共樂俱得詠時豐

同前

唐姚康

松逕引清風登臺古寺中江平沙岸白日下錦川紅趺
樹山根淨深雲鳥跡窮自慚陪末席使與九霄通

西蜀淨衆寺松溪八韻薰寄小筆崔處士

唐鄭谷

松因溪得名溪吹答松聲繚繞能穿寺幽奇不在城寒
烟齋後散春雨夜中平染岸蒼苔古翹沙白鳥明澄分
僧影瘦光徹客心清帶梵侵雲響和鐘擊石鳴淡薰新

茗爽暖泛落花輕此景吟難盡憑君畫入京

聖母山祈雨詩

并序

潘洞

靈池縣東山下有朱真人洞洞北岡嶺連屬
逾二十里得褚聖女祠化跡尤異民咸事之
予出宰之次月邑中苦旱於是絜誠薦禱希
恩於二像之前曾未三日甘雨大澍民欣其
應式歌且抃仰荷明靈之垂祐作詩以紀之
錦里城東邑高原十六鄉江流分不到天雨降為常益部

十縣多引江水溉田咸為沃壤唯靈池疏決不到湏俟天雨俗詔之雷鳴田

節及三春後晴

逾兩月強龍乘尋穴蟄魚因入泥藏樹影全虧綠苗姿半吐黃耕夫皆慘戚市戶亦蒼茫潛慮寃無雪深疑政有傷推恩慙睿主引咎謝虛皇罄折真人宇星奔聖女堂先時蠲玉饌隔夜浴蘭湯洞口焚香遠山椒作梵長幽誠期必達玄應果旋彰雷振南峯下雲飛北嶺傍聲稠喧竹塢勢迫鴻銀潢颶灑連三晝霧霓遍一方稻畦煙漠漠蓮沼水泱泱物態涵優渥民情遂樂康洪施周

廣品餘潤浹他疆稔歲還堪待陰功詎可忘明靈何以
報奮藻紀遺芳

留題鄆縣西禪院古調詩

徐仲謀

鄆縣七十寺基布于郊垌景德當道衢寶塔騰青冥其
間西禪院地勝景物靈何以使索然中有大藏經自從
沒官來卷帙何零丁府民納其直將遷離梵庭奇哉陳
氏子覩此而涕零謂寺無九部何以重佛僧如人去五
臟何以主神形捨財百萬餘贖之俾安寧蘭若皆修飾

貝葉重芳磬籞函列金玉堂殿揮丹青永以鎮福地實可壯禪扃命僧開寶藏煌煌如日星讀誦香烟裏音響何泠泠聞者與見者如醉而得醒豈不獲洪福深遠於滄溟几人富金帛安能延百齡唯有好善道聲譽喧雷霆高吟二百言長使鄖民聽

集海雲鴻慶院

宋祈

地勝祠仍古春餘物偏華山雲時抱石佛雨不萎花嶺
挾樓梯峻巖壇殿城斜淙谿雜環珮怪蔓走龍蛇供去聲

坐僧飛鉢香園客戲沙吾游真草草深意在青霞

再游海雲寺作

前人

十里雲邊寺重驅千騎來天形欹野盡江勢讓山回園
木濃成性樓鐘近殷雷斜陽歸鞅促飛蓋冒輕埃

題信相院默庵

前人

對言方有默因默乃名庵庵留默不遣一物遂為三龜
掃泥中痕正恐力弗堪自問呵默者了然成妄談

信相院慧燈

范鎮

行樂到蕭寺像殿煌煌僧年過九十細話燈燄長方
憶韶齡時初離父母鄉是時循舊跡晝夜不暫忘自事
膏火來日就與月將始卒未嘗暗眉髮皆如霜禦風設
絳紗求福兼異香洪誇本化我我心飈悲傷寒村會績
女借餘坐如筐陋巷苦志士鑿壁偷隣光太息日已暮
百結忡忡腸類此事億萬耶書成短章

遊昭覺寺

前人

炎蒸無處避此地忽如寒松砌行無際石房禪自安篤

鶯秋沿漲螭晚庭寬登眺見田舍衡茅半不完

淨衆寺新禪院

前人

金地西郊外一來煩慮撫凡逢似仙境鮮不屬僧居岸
綠見翹鷺溪清無隱魚殘陽已周覽欲去幾躊躇

和閩寺丞海雲寺

前人

春日金田驩且詳始因民俗好紡奢管絃齊奏喧聞野
鶩鷺高飛不在花雕楹凭時見城郭迴廊行處有煙霞

方塘靈石從來信不獨當年太守誇

景德中太守任容
諫復石得嗣特奏

院額

登崇聖閣

前人

金地環迴半錦城
累年斤斧不停聲
遠村民舍煙未起
滿寺僧筵鐘盡鳴
又云
百院欄檻高低資眺覽
市廛言語尚分明
阿房昔日徒虛語
壯麗應虧此畫楹

嚴真觀

呂公弼

卜肆垂簾地依然
門徑開沈冥時已往
思慕客猶來
鳥啄虛簷壞狐穿
古井摧空餘舊磯
石歲歲長春苔

新繁縣顯曜院

梅摯

繡地縈回寶勢長，遍遊寧倦徙。胡床禪齋不顧幡風影，
講席亂飛花雨香。苔陣暗連僧榻古，蕉旗低映佛窓涼。
我來懶上東臺上，目送霜楸感北堂。

妣親松櫟在院東一里故云

和韻

王益

梵宇蕭條白日長，苦空譚塵接藤床。雲章酷愛休詩麗，
蓮柄慵思遠社香。石髮雨梳難死寂，春織驚山涼劫鹿。
心火銷平盡，又聽鐘聲下講堂。

留題重光寺羅漢院贈憲上人 梅摯

人盡遊方證佛心
師心無着外三乘
連花結社新吟遠
玉紙抄經舊價騰
藥杵半和鈴索響
茶煙輕共衲雲蒸
我來與話高僧事
冷笑支公學養鷹

和

王益

曉剎吟髭雪半零
海窓曾況鉢龍醒
蚤同西竺能持法
應笑南僧不會經
雲氣晝閑侵塵柄
蘚痕春老上銅瓶
近來禪觀都無語
手指餘花滿寺庭

留題清涼院

王益

背倚青峯面枕溪濡毫新向壁間題善根不撓金蓮合
淨界無塵水月齊會啓苾蒭真樂境花開簷蕪遠香畦
因思祖塔嘗遊處更在龍盤虎踞西

金陵有龍盤虎踞城西偏

和

梅摯

一水明如墨畫溪清涼佳勝古標題香隨講雨天花爛
聲入幡風地籟齊暫到已能知覺路縱遊何必理禪畦
謝公退多行樂五里鳴騶出縣西

送戴蒙赴成都玉局觀將老焉 蘓軾

拾遺被酒行歌處野梅官柳西郊路聞道華陽版籍中
至今尚有城南杜我欲歸尋萬里橋水花葉葉暮蕭蕭
芋魁徑尺誰能盡榦木三年已足燒百歲風狂定何有
羨君今作峩眉酒縱未家生執戟郎也應世出埋輪守
莫欺老病未歸身玉局他年第幾人會待子猷清興發
還須雪夜去尋君

護國寺詩

張天覺

薄宦區區可歎嗟寂寥寒館過村家神錐豈向囊中出
寶劍聊憑醉後誇就祿兔持毛義檄讀書空滿惠生車
掩闌不識青春好一夜狂風已落花

外祖父丞相初登科為雒縣主簿經攝垍寧鎮
稅官留詩護國寺中令狐監征錄以見寄謹再
拜追和而記其後

何麟

傳翁遺墨贊咨嗟四海當年尚一家大老不為今日用
小詩徒遣後人誇興來思跨巴滇馬歸去方乘下澤車

燕麥鬼葵僧舍裏何如夢得訪桃花

此篇以和韻故附見不以世次為序

題雙流保國觀古柏

胡宗師

孔明廟前古柏奇此木氣象猶過之幹東
髮
髮煙焰起
鐵龍空駕焚一枝真人丹誠何所達世傳乘鶴冲天飛
求詩道士心彌聖試聽一誦工曹詩

清晚坐四天王院

喻汝礪

杳杳天宇涼月墮星亦稀朝輝下簷隙遠色開林扉寂
坐無物後隱几或在斯曠焉耳目清擬覺形神歸混世

迹若近抱冲心獨微故殿今幾年何人所摹規當時亦
姱哉作者良已罷快意取一好於身亮何私不知壯觀
地徒使來者悲坐頃又成昔安知今是非

登正法宮塔

前人

踰雨洗空闊高標挿青冥攜筇一來登長笑謝所攖清
芳翔遠江丹氣舒翠岷雪嶺浮夏白海雲亦遠青孤花要
危芳初篁羅新榮手容五十里颯香為我陳陵城漭變
遷物狀幾屈信念往思自遠感來屢彌臻傷哉千里心

嗟爾百代人胡為軫其德戚戚勞所營吾謂以此辭歸
來嵒下耕

游西臺院暑雪軒觀石鏡

前人

城中苦伊鬱茲軒獨高褰連甍動參差錯畦橫阡眠雪
嶠政孤峙若與我周旋遠翠浮蕩養輕鷗下聯軒密竹
胃幽逕新蒲澹清漣初遊愜餘懷旣久幽念攢慨彼泉
下人灼灼夸令顏忽焉墮榛莽窮窪不可援一鏡空復
情況乃塊石頑哀哉彼愚子婉變情所牽差勝茂陵公

更詠方士言

游嚴真觀支機石而壁有記古鼎丹砂茅事

前人

古木共幽意長廊亦蕭如於焉聊逍遙且復散衣裾塵
慮颯已空道心頗閑舒不知度世人去此歲幾徂云何
有丹砂尚爾留庭隅支磯亦悠哉誰復訂有無我知此
公意慨彼元鼎初繼之五鳳間斯民斃刀踞聊欲謝世
網欵以道自娛抱獨理自會曠懷遺所據初匪逃世人

而世自我踈含默念斯人起我憂患餘

登西樓呈桑彥周

李新

獨自行藏莫倚欄市塵野色不相干是中門戶也羅雀
何處身心更夢棺錦水背人朝暮去雪山隨我久長寒
一生著作驚磨滅欲借君家鐵硯看

馮城開元寺留題

張深

本自無涯宦海遊如何杖策訪田疇太平豈是渾無象
兩兩耕夫話有秋

次韻龐茶使鄆縣塔

楊天惠

平生閱巨麗茲塔咤何雄因地如無地平空不礙空寧
從佛土徙幾歷劫灰窮落趾鷄闕北明標王豐東經營
本龍象負輓儻煙虹畚築纔驅石觚稜欵倚風妙高分
絕域峻極倒中嵩已幻花臺巧并規鷺嶺縱仰窓平月
殿橫級俯蛟宮未覺諸天隔惟看一氣融恒沙寸眸攝
多寡片心通湧洞遺凡界虛踪徹外懷身邊揖先聖眼
外洗塵霏井直參連壤秦開漢拓功真乘對時出休運

與天崇締構雖人力扶持亦化工長生老西崦諸葛死
南隆但了薰香炮姑儲氍毹布筒狂歌留白日醉舞屬冥
鴻莫漫百年事空成一禿翁

次韻吳帥題保福壁二首

前人

淨瓶猶貯近頌冰拄杖還扶舊醉藤遮莫簪花倩天女
未妨燕坐折談僧

由來世諦即菩提吾道元東祖自西恰似蒼圓好頭相
可容破裂作阿梨

玉局

蜀事補七

宋京

君不見青陽老人飛下天口宣至道朝群仙地中神人
捧玉局異事祕恆于今傳龜城坤隅地有穴俗說西與
岷山連嵯峨古觀森偉像老柏慘澹含風煙令威已去
城郭在人物自改名依然亳州宮庭煥星斗真皇行幸
祥符年所託得地近京邑此獨隱晦遐方偏安得老人
洗此心還我澹泊同古先

嚴真

蜀事補七

前人

君不得莊遵賣卜成都市市中仙隱無人值百錢度日
復何求猶有沉真見文字不因問着牛女星下士安能
知姓名雲中鷄犬拔家去舊宅寂寞秋蕪平楮機石在
年年長藥鼎空留閉黃壤前時發掘篆籀新明水神丹
光滉瀁金鴈橋邊臺觀存神仙遺事渺難論安得先生
為我卜俗骨庶可遺天闇

游呪土寺西

蒲瀛

偶到城西寺人言呪土墳夕陽臺半出秋草徑才分地

下無紅粉天邊有碧雲徘徊追往事風急葉紛紛

東臺

前人

城郭層臺過祇園細路通小亭虛白日老樹足秋風閱
世年年改傷心處處同黃巢魂在否紅粉亦成空

夏日過莊嚴寺僧索詩為留三絕拉舍弟同賦

晁公休

十里溪橋梵宇新那知陌上漲紅塵老僧苦要題名姓
不道林泉皆故人

病起支離倚瘦筇幅巾芒屨竹陰中聞蟬未有驚人句
且就禪床一榻風

機杼聲中禾稻肥疇瓜區芋綠成畦田家樂事今如許
何日邊城息鼓鼙

又

晁公武

松筠窈窕隱禪房茗椀熏爐白晝長門外塵埃生鞅惱
誰知林下自清涼

笑脫塵衫樸軟紅杖藜徙倚水光中最憐林葉深深處

遮盡斜陽不礙風

出門散策烟樓樹歸路扶輿月蛻痕十里江村入圖畫
野橋沙路杳難分

留隱庵老住碧蘆軒

何耕

庵中之人不見形兩脚不住以隱名此行有似風過海
摸索不著聞其聲浣花江頭萬僧市抵掌笑談兒輩驚
一軒碧蘆佛手種霜葉戚戚如詩鳴此間謂是留鳳處
但恐還作冥鴻征卷衣我亦逐師去分取半庵栖月明

題長松二首

前人

老檜搖風萬壑聲梨花着雨四山明龕中大士好看客
排遣雲陰作晚晴

路窮山百轉雲擁木千章最爾人間世蕭然古道場龍
神森拱衛旱魃走祈禳地遠齋厨薄重來剩裏糧

題龍華佛閣

前人

西川鑿山三大像突兀皆在山之湄修覺九頂見略盡
獨此恨未瞻容儀竭來勝地了疇昔輕軒瘦馬相追隨

百尺金軀信雄傑三乘寶閣何瑰奇然犀不用照幽鬼
擊鼓自合趨馮夷前人開創願力廣下與舟楫扶傾危
六月灘濤劇奔吼一分性命爭毫釐篤工落膽行者泣
彈指乞活天人師人心狎水多禍佛力在人人不知
年來蜀產坐脰削夜半有力真能移軻峩大船去不絕
綵翻破浪風揚旗佛慈只作布施想江神將怒將何為

題龍華山寺

前人

傑閣山為佛精廬地布金水涵空閑淨路繞翠微深鳥

下窺齋鉢龍歸識梵音城中塵昧目那得此幽尋

龍華大像蓋冀國夫人所作因成二絕

慧性元從戒定薰百花錚水浣僧裙箇中力量真超絕

故老尚傳娘子軍

生男箇箇欲如狼婦女軍中氣不揚試問爭功嗔目士
幾人能敵浣花娘

普通山距府東十數里青州禪師洪果道場也

自龍華歸過之棟宇頽落僧徒鄙野良為可惜

是夜雨大作因書所聞所見為長韻

前人

錦城之東山培蟠突起伽藍壓山口入門氣象頗非凡
在昔規模定非苟黃絹碑詞著眼看侯溥作碑記本末頗詳青州
老衲知名久自披榛徑結茅屋不剪霜鬢散蓬首市門
有女奉巾盥衣祫無花生穢垢府昌道玉從師落髮人或許之於王建建廟之
竟無不及地上至今一轉鶴鵠語蜀人呼鶴鵠為連點七有問師者云如何是連點七師云屈指他無蹤跡故云散作諸方師子吼祖燈寂寞何人繼宰堵

岩堯惟鬼守法席草長深沒膝僧人屋穿光見斗似聞
占籍多衍沃此山寺常住
田間亦不薄舍選名鑑振頰汚我來不覺

三歎息眼底盡空諸所有自開麌席掃塵室不寄閑眠

憇奔走夢回中夜雨鳴簷臥聽東風寒入牖明朝散步

轉山脊好語相呼聞野叟抽芒已見麥飄浪搗麪懸知

香滿手湏臾日影散林樾絢練春光被花柳僕夫催歸

屢不應景物殊佳寧忍負出山騎馬叟躋踏乘暇應湏

重載酒

青羊宮

按道閑道成都記載宮乃老子乘青羊降其地今有臺存焉

前人

一再官錦城咫尺望琳宮未始得得來正墮役役中今朝弄晴雨策塞隨春風頗愛意象古停驂小從容縹渺百尺臺突起凌半空憑欄俯脩竹決眥明孤鴻信哉神仙宅不受塵垢蒙稽首五千言衆妙一以通靜觀萬物復豈假九轉功區區立訓詁亦哂河上公癡人慕羽化心外求鴻濛要騎白鶴背往訪青羊蹤

暇日與陳楚材游四天王寺見五髻文殊畫像于廡下剥落可惜遂以告羅宗約參議遷之正法禪院俾長老惠公龕而祠之為詩十四韻書其事

前人

陳侯招我古寺行破椽老瓦煩支撑丹青巨壁置廡下大士五髻影華纓旁風上雨塵土集意象落莫無光晶近前諦視乃名筆妙處不減本與瓊成都名畫多張惜南本范瓊之筆惜哉此地非所託走卒嘈雜兒童輕西鄰塔廟頗雄偉彌

天老惠新主盟撞鐘擊鼓飯千指分坐豈無三尺檻何
人堪作不請友參謀行解俱圓明從容試以語二士曰
此甚易非難成便從遊戲出三昧各借一臂相扶擎騰
空似赴遠公約散花如入維摩城都人改觀香火肅雨
淚膜拜爭投誠主人更在好看客永為道伴終生平莫
言有我不湏你留取眉毛遮眼睛

曉詣三井觀

范成大

路轉市聲遠寬闊古城東遙從紅塵來忽入蒼烟叢槿

心傾濃露芋葉飄微風秋陽澹離落殘暑不必攻野老
鞍睡起日高首如蓬官身騎官馬君應笑龍鐘

遊三井觀

陸游

三井久知名暇日偶一訪棟宇壞欲盡基趾尚閑壯畫
牆皆國工烟雲儼天仗旌旄亞戈戟佩玉雜弓張太古
實傑作筆落九天上吳生名擅世睥睨未肯讓規模遠
有考意象毫不放最奇老癯僊骨立神愈王石格雖少
恠用筆亦跌宕兩姝淡蛾眉非復火食狀塵埃久侵蝕

風雨無蓋障好事未易逢寧能久亡恙雍洛故灰餘妙
迹盡凋喪斯遊恐難繼佇立增悄愴

飯昭覺寺抵暮乃歸

前人

自墮黃塵每慨然攜兒蕭散亦前緣聊憑方外巾盂淨
一洗人間匕箸羶靜院春風傳浴鼓畫廊晚雨濕茶烟
潛光寮裏明憲下借我逍遙過十年

飯保福

前人

篋雨雲低未放晴閉門作病憶閑行攝衣文室參耆宿

曳杖長廊喚弟兄飽飯即知吾事了免官初覺此身輕
歸來更欲誇妻子學煮雲堂芋糴羹

雨中登安福寺塔俗謂之黑塔

前人

平生喜登高醉眼無疆界北顧極幽并南望際海岱喟然撫手歎從古幾成敗英雄如過鳥城郭但遺塊今朝上黑塔千里曠無礙忽驚風霆掣掣坐覺天地晦急雨挾龍腥溽暑為摧壞皇天念蟠欝今宵寄一快那知書生狂自倚心眼大更思駐潼關黃河首如帶

遊園覽乾明祥符三院至暮 前人

成都再見春事殘雖名間官寶不閒門前車馬閑如市
案上文檄高於山有時投鎔輒徑出略似齊客偷秦闕
日斜僕夫已整駕願景欲駐愁嘲訕豈知今朝有此樂
放浪一笑開衰顏抽身黃塵鳥情底得意翠木清泉間
寥裳危磴窮峯確洗耳古澗聽淙潺豈惟頓覺宇宙廣
政爾一散腰脚頑似聞青峩縹渺處待我歸綴仙官班
俊鷹解絛即萬里豈比倦翼方知還

觀華嚴閣萬僧會齋

前人

拂劍當年氣吐虹
暗鳴坐覺朔庭空
早知壯志成癡絕
悔不藏名萬衲中

過淨名院觸目都似曾到問訊乃非也戲題絕句

李薰

入門彷彿記曾來
問訊山僧始此回
却覓舊遊無是處
只應形似這人猜

世間形似巧迷人
總是安排底處真
縱復非真猶足喜

得來聊寄夢中身

丙寅歲秋再抵長松奉等慈師入城作詩記一

時事

前人

前來送師歸今日迎師去送迎我何勞師乃因行路天
公將歸誰尤耗斂此下土一水禍未忘旱勢復如許小
民惟怨咨惜莫知其故徑湏憑佛力庶可回帝怒自憐操
持約一念寄香縷氤氳才上徹雲色暗窓戶數聲跳珠
急忽已忘處所老僧嗟謂我水旱要有數德非與天通

造請輒違拒官豈真德人天意遽相與更看鞭雷公滂沛逐飛馭定身固如如未始間行住抗走不少停政恐塵埃汚傾心太平日十五一風雨官既罷迎送師亦得安處我聞低頭謝勤爾相誨語作詩書長松來者尚有取

從薛元法會食保福意軒得徑字

前人

春愁醉人心灑面呼不醒出門却入門兀兀度晨暝昨

遊欣有得水鏡謝磨瑩豈惟勝紛華頗復造禪定君看
青雲士窘步爭捷徑鋥爾詎舍瑟硜乎方擊磬何曾頃
刻閑通夕不遑瞑彼應疾此固我亦惡夫佞人生出處
耳山林與朝廷遲遲歧路間去就湏審訂寧為龜曳涂
勿作馬旋濱義馭靡容勒風船猶可研但令尊不空敢
憚室垂簷更結汗漫遊後期君速聽

十五日同登大慈寺樓得遠字

前人

重樓得雲氣深穩戶牖誰能發關鍵樓下輪蹄渙散馳
行人一顧不容返好遊獨是我輩閒褰衣直上相推挽
層軒危檻倚欲偏更假胡床同息偃西南繁會惟此都
昔號富饒今已損填城華屋故依然孰為若王愛基本
茫茫八表聊縱目情知日近長安遠白雲浩蕩飛鳥沒
玉笙淒涼紅紛晚梁王吹臺得李杜黃公酒壚醉嵇阮
高峯千載凜莫攀與世相濁徒混混荷衣蕙帶芙蓉裳
野服猶堪敵華袞去梯輶復共君謀殺馬毀車從此遁

三月四日遊大雲寺分韻得三字佛龕多題名
韋獨抗段文昌李景讓鄭愚四人者可考王文穆

呂正閔治平嘉祐間過此亦有筆迹因以詩記

前人

野寺依絕壁化身滿諸龕後前莽難測千億紛相參妙
斷謝斤斧高樓軼烟嵐旁行梁危棧俯瞰驚深潭歲月浸
荒老苔蘚爭封函亦有好事者增飭施朱藍經營定自
圖謀雅奚未暗欵識或可辨上下試與探遠徵固寂寥

近取才二三開元韋庶子剖符劍之南咄嗟檀施開
至今為美談墨卿少羈宴節旄晚耗耗樂和盛家法國
始猶包含鄭氏雖世儒蠻禍竟莫戡舊相粵冀級經從
各停駿翰林寵則多御史德豈慙數公方威壯厥聲實
訏覃紛華竟安在人壽無彭聃彼石尚云朽吾生諒何
堪華前一笑粲現此優波曇稽首識歸處徑欲投佩簪
蠹蠹誰汝縛竊食如春蠶祓除偶辰已風景清且酣相
引着勝地佛日况可貪敢誇一醉富庶解憂心惔因歌

以記之放筆書僧菴

遊長松寺宿石門僧舍以石門霜露白為韻得

露字

楊申

疾風吹輕衣駕我雲脊路人間一回首驚絕不敢顧鳥
投虛無底渺渺不知處蜂窠蟻丘蛭與世同所驚試看
一蒼莽誰有不平處尚憐野僧屋佛面荒苔蠹斷崖剗
呀唿洶洶崩石怒我來得奇觀拄杖叩巖樹青山有驕
色斯客不能句平生二三子慰我一相遇娟娟松間月

幽夕亦可度夜闌更小語風逼遺響去酌君無多酒繼以木蘭露

登安福浮屠以高標跨蒼天為韵得跨字

前人

誰能于虛空千仞擢脩架層梯高寥寥可歷不可跨疑從地上蹑幻手聊一化飛龍送千柱雷雨天一借巍巍大勝妙突兀此其亞道人豈澄觀佛事了間暇指揮三百尺斤斧隨叱咤當時奮赤手意闊已遭四馬後來見奇

特世眼一驚訝塹山作平地海闊梁可駕哀哉耳目陋
未信猶疑嚇凌高更回首落日在雲罅蒼蒼野浮樹漢
漠水分汎悲涼豪傑窟野冢埋王伯百年眼前是俯仰
閱榮謝惟當快飲酒醉聽風鈴夜

宿安静觀

前人

青山轉龍脊矯首西南天上有仙人祠臺殿飛後前下
見雲雨興樹色暗平州仙人西黃鵠一去無歸年向來
道上屢人着幾何錢一朝聞羽化帳望空流涎却揮囊

中金瓦礫來投捐巖巖化金碧香火通雲烟人間萬事
爾旦暮有愚賢而况爭奪場轉手分姪妍仙人一回首破
隴與荒阡紛紛不足道哀此區中緣石泉濁幽潔意寂
不肯喧夜聞松風露起坐心寥然

朱真人祠

前人

一濯巖下溪再拜巖中庭清風蕭然來吹我衣上腥仙
人芙蓉冠乘月下雲輶山空雜佩響靜夜朝百靈似聞
客欲去小語猶丁寧肅肅上松柏急以兩耳聽寂寥古

壇外但掛斗與星天明恐是夢恍惚遺心形去飲石上
水再讀幽人銘青山無行迹霧雨松冥冥



成都文類卷五

欽定四庫全書

成都文類卷六
集部

七

詳校官左中允臣塘五珠

助教臣常循覆勘

總校官知縣臣繆琪

校對官編修臣邱庭澤

謄錄監生臣慕湘文

欽定四庫全書

成都文類卷六

宋扈仲榮等編

詩

陵廟

謁先主廟

唐杜甫

慘澹風雲會乘時各有人力侔分社稷志屈偃經綸復
漢留長策中原仗老臣雜耕心未已歐血事酸辛霸氣

西南歇雄圖，歷數屯錦江。元過楚劍閣，復通秦舊俗。
祠廟空山泣鬼神，虛簷交鳥道。枯木半龍鱗，竹送青溪月。
苔移玉座春，閭閻兒女換歌舞。歲時新，絕域歸舟遠。
荒城繫馬頻如何，對搖落。况乃久風塵，孰與闋張並。
功臨耿鄧親應天，才不小。得士契無鄰，遲暮堪帷幄。
飄零且釣緡，向來憂國淚寂寂。洒衣巾。

蜀相

前人

丞相祠堂何處尋，錦官城外柏森森。映堦碧草自春色，

隔葉黃鸝空好音三顧頻煩天下計兩朝開濟老臣心
出師未捷身先死長使英雄淚滿襟

蜀先主廟

漢末謠
黃牛白
腹五銖當復

唐劉禹錫

天下英雄氣千秋尚凜然勢分三足鼎業復五銖錢得
相能開國生兒不象賢淒涼蜀故妓來舞魏宮前

謁先主廟絕句三首

唐張儼

扶順繼皇業并吞勢由已天命屈雄圖誰歌大風起
得股肱賢明能以奇用兵何事傷客情何人居帝京

雄名垂竹帛荒陵壓阡陌終古更何聞悲風入松栢

武侯廟

唐武少儀

執簡焚香入廟門武侯神像儼如存因機定蜀延衰漢以計連吳振弱孫欲盡智能傾僭盜善持忠節輔庸眷宣王請戰貽巾幘始見才吞亦氣吞

祠祭畢題臨淮公舊碑

唐楊嗣復

臨淮公武元衡也元和初元衡鎮蜀嗣復為節度推官後二十七年嗣復鎮蜀時太和九

年也汝士為東川節度使故相唱和汝士曾
為蜀帥段文昌掌管也

齋莊修祀事旌旆出郊闈蘿草軒墀狹塗牆赭堊新謀
猷期作聖風俗奉為神酌酒成坳澤持兵列偶人非才
膺寵任異代揖芳塵况是平津客碑前淚滿巾

和

唐楊汝士

古柏森然地修嚴蜀相祠一過榮異代三顧盛當時功
德流何遠馨香薦未衰敬名探國志節像慰毗思昔謁

金石錄卷之二
卷六
從征蓋今聞擁信旗固宜光寵下有淚刻前碑

武侯祠

陳薦

建安綱紀如綫微高光基業春冰危姦豪拔劍將羣盜
駕龍控虎爭雄雌武侯當日臥南陽韜稜晦角陰營爲
高吟梁甫比管樂胸中造化無人知東吳北魏至强大
不肯逆德爲其師先主歎聞元直語三往咨求當世宜
勤勤陳說扶漢室慷慨感義許驅馳一說孫權敗曹操
劉氏遂肇中興基申明號令鼓雷電勵勵士卒擰蛟螭

分留猛將控荆渚翼載昭烈來坤維獻皇遭害首勸進
應天嗣位開羣疑本謀憑藉蜀富庶養威用作并吞資
大勲未集昭烈崩遵守顧命如周伊均平賞罰重恩信
比屋道路皆熙熙七擒孟獲除後患至今南詔崇靈祠
今諸巒聚落中皆立武侯祠東征直據五丈原欲復咸鎬綏華夷上
成先帝創業意下副四海蒼生思推忠仗氣順百倍俯
視敵衆真嬰兒流星落帳芒角惡暴然不起軍如癡仲
達雖走漢終失人謀不可違天時精魂埋沒已千歲奈

無英傑齊高規朔方男子過廟下秋天寥落霜風悲林
梢脫葉響颺颺煙頭暮雨寒絲絲妖狐怪兔穴壞壁飢
鷗餓鵠啼枯枝樵兒敲斷段尹石苔蘚爛斑裴相碑手
植勁栢尚蒼翠疑有神靈潛護持眸容昏剥堂廡陋龍
祠神廟窮珍竒吾心切切慕風概洒淚踟蹰成此詩

武侯廟栢

范鎮

滿葉是清霜培根無沃土恥作秦皇松寧為憑異樹英
靈自有風蔭蔚長如雨可憐青青姿不知人事古

謂諸葛廟

喻汝礪

孤雲何其高明月不可繫灼灼抱此心與世自涇渭釋
來從所歡感亂亦虛歛咨惟今之人竊國未云恥七首
入吾市秋風動燕水區區表與曹等是刺客耳而我於
其間秉義不敢墜哀音回衡颺清義動幽邃天心固難
亮吾獨信所履溶溶日間雲漠漠苔點砌飢鼯墮蒼瓦
澹薄公所憇靜然想英姿孤懷亦差慰

過武侯廟

陳古

羣雄角逐自驅除邂逅真龍起畏途材並管蕭非亞匹
氣吞曹馬直庸奴兩朝冠蓋尊元遠千載風雲屈壯圖
天欲鼎分終割據可憐憂國竟捐軀

謁江瀆廟

喻汝礪

坤軸東南傾大江日夜注前驅下洛洙餘濤略吳楚任
勢不期勞得意緣所遇水也初無營神哉亮誰主芳蘭
沉清華碧藻舒翠縷晨鵠戲野岸春鳬集深渚均是得
所安而神豈私汝古來幾精魄拾此迷所處淫游不知

還沙村失煙樹而我後千載悠然在江滸抱晉貴無
競矜名忌多取冥冥巒岸風淫淫打舡雨舞雪窺洪濤
開蘋渡前浦再拜謝神況聊復隨所住

題先主廟

晁公遡

天地收霸氣丘原余闕宮野人相指似旁有若堂封當
時大耳兜甚似隆準公夫豈忘故都崎嶇巴蜀中劃然
成三分正爾阨兩雄武侯抱遺恨秦隴竟莫通獨怜晉
昌明千載時始逢坐看五胡亂蕭條河洛空

拜張忠定公詞二十韻

陸游

張公世外人與蜀偶有緣天將靖蜀亂生公在人間厥初大盜興樂禍迭相延天子輶玉食貴臣擁戎旃生殺出喜怒死者常差肩公曰此何哉從之吾欺天河流觸地軸砥柱屹不遷脅從盡縱捨飛章交帝前上意竟開悟至仁勝亮殘貴臣不極賞追還黜其權安危關社稷豈惟蜀民全後來有阿童握兵事開邊晚策睦州功上公珥金蟬勢張不可禦北鄉挑幽燕神京遂丘墟迄今

天步艱時無忠定公孰能折其姦我來拜遺祠喬木含
蒼煙死者不可作愀然哀涕潛憤切感虜禍慷慨思公
賢春秋送迎神誰為歌此篇

成都文類卷六

欽定四庫全書

成都文類卷七

宋扈仲榮等編

詩

亭館

一

草堂

唐杜甫

昔我去草堂
蠻夷塞成都
今我歸草堂
成都適無虞
請陳初亂時
反覆乃須臾
大將赴朝廷
羣小起異圖
中宵

斬白馬盟歃氣已麾西取邛南兵北斷劍閣隅布衣數
十人亦擁專城居其勢不兩大始聞萬漢殊西卒却倒
戈賊臣互相誅焉知肘腋禍自及梟獍徒義士皆痛憤
紀綱亂相踰一國寶三公萬人欲為魚唱和作威福孰
肯辨無辜眼前列杻械背後吹笙竽談笑行殺戮濺血
滿長衢到今用鉞地風雨聞號呼鬼妾與鬼馬色悲充
爾娛國家法令在此又足驚吁賤子且奔走三年望東
吳弧矢暗江海難為遊五湖不忍竟舍此復來難擇燕

入門四松在步屢萬竹疎舊犬喜我歸低徊入衣裾隣
舍喜我歸沽酒攜胡蘆大官喜我來遣騎問所湏城郭
喜我來賓客隘村墟天下尚未寧健兒勝腐儒飄飄風
塵際何地置老夫於時見疣贅骨髓莘未枯飲啄媿殘
生食薇不敢餘

寄題江外草堂

梓州作寄
成都故居

前人

我生性放誕難欲逃自然嗜酒愛風竹卜居此林泉遭
亂到蜀江臥病遣所便誅茅初一畝廣地方連延經營

上元始斷手寶應年敢謀土木麗自覺面勢堅臺亭隨
高下敞豁當清川雖有會心侶數能問釣船干戈未偃
息安得酣歌眠蛟龍無定窟黃鵠摩蒼天古來達士志
寧受外物牽顧惟曾鈍姿豈識悔吝先偶攜老妻去慘
澹陵風煙事迹無固必幽身愧雙全尚念四小松蔓草
易拘纏霜骨不甚長永為隣里憐

卜居

前人

浣花流水水西頭主人為卜林塘幽已知出郭少塵事

更有澄江銷客愁無數蜻蜓齊上一雙鸕鷀對沉浮
東行萬里堪乘興湏向山陰上小舟

一室

前人

一室他鄉遠一作老空林暮景懸正愁聞塞笛獨立見江

船巴蜀來多病荆蠻去幾年應同王粲宅留井峴山前

王十五司馬弟出郭相訪兼遺營茅屋贊

前人

客裏何遷次江邊正寂寥肯來尋一老愁破是今朝憂

我營茅棟攜錢過野橋他鄉唯表弟還徃莫辭遙

王錄事許修草堂貲不到聊小詰 前人

為嗔王錄事不寄草堂貲昨屬愁春雨能忘欲漏時

草堂即事

前人

荒村建子月獨樹老夫家雪裏江船渡風前徑竹斜寒
魚依密藻宿鷺起圓沙蜀酒禁愁得無錢何處賒

王十七侍御榆許攜酒重至草堂奉寄此時便

請邀高十五使君同到

前人

老夫臥穩朝慵起白屋寒多暖始開江鶴巧當幽徑浴
鄰雞還過短牆來繡衣屢許攜家醞早蓋能忘折野梅
戲假霜威促山簡湏成一醉習池廻

王竟攜酒高亦同過共用寒字 前人

臥疾荒郊遠通行小徑難故人能領客攜酒重相看自
愧無鮭菜空煩卸馬鞍移時勸山簡頭白恐風寒

水檻遺心二首

前人

去郭軒檻敞無村眺望賒澄江平少岸幽樹晚多花細

雨魚兒出微風燕子斜城中十萬戶此地兩三家

蜀天常夜雨江檻已朝晴葉潤林塘密衣乾枕席清不堪祇老病何得尚浮名淺把涓涓酒深憑送此生

嚴中丞枉駕見過

嚴自東川除西川勅令兩川都節制

前人

元戎小隊出郊垌問柳尋花到野亭川合東西瞻使節
地分南北任流萍扁舟不獨如張翰白帽應兼似管寧
寂寞江天雲霧裏何人道有少微星

南鄰

前人

錦里先生烏角巾園收芋粟不全貧慣看賓客兒童喜
得食階除鳥雀馴秋水才深四五尺野航恰受兩三人
白沙翠竹江村暮相對柴門月色新

北鄰

前人

明府豈辭滿歲身方告勞青錢買野竹白犢對江臯愛
酒晉山簡能詩何水曹時來訪老疾步屢到蓬蒿

水檻

前人

蒼江多風飈雲雨晝夜飛茅軒駕巨浪焉得不低垂遊
子久在外門戶無人持高岸尚如谷何傷浮柱欹扶顛
有勸誠恐貽識者嗤既殊大厦傾可以一木支臨川視
萬里何必欄檻為人生感故物慷慨有餘悲

江亭

前人

坦腹江亭暖長吟野望時水流心不競雲在意俱遲寂
寂春將晚欣欣物自私故林歸未得排悶強裁詩

茅屋為秋風所破歌

前人

八月秋高風怒號卷我屋上三重茅茅飛度江灑江郊
高者挂罥長林梢下者飄轉沉塘坳南村羣童欺我老
無力忍能對面為盜賊公然抱茅入竹去胥熑口燥呼
不得歸來倚杖自歎息俄頃風定雲墨色秋天漠漠向
昏黑布衾多年冷似鐵嬌兒惡臥踏裏裂牀牀屋漏無
乾處雨脚如麻未斷絕自經喪亂少睡眠長夜沾濕何
由徹安得廣廈千萬間大庇天下寒士俱歡顏風雨不
動安如山嗚呼何時眼前突兀見此屋吾廬獨破受凍

死亦足

院中晚晴懷西郭茅舍

前人

幕府秋風日夜清
澹雲踈雨過高城
葉心朱實看時落
階面青苔先自生
復有樓臺銜景暮
不勞鐘鼓報新晴
浣花溪裏花饒笑
肯信吾兼吏隱名

舍弟占歸草堂檢校聊示此詩 前人

久客應吾道相隨
爾獨來孰知江路近
頻為草堂廻鵠
鴨宜長數柴荆
莫浪開東林竹影薄
臘月更湏裁

營屋

前人

我有陰江竹能令朱夏寒
陰通積水內高入浮雲端甚
疑鬼物憑不顧翦伐殘東偏若面勢戶牖可永安愛惜
已六載茲辰去千竿蕭蕭見白日洶洶開奔湍度堂匪
華麗養拙異考槃草茅雖難葺衰疾亦少寬洗然順所
適此足代加餐寂無斤斧響庶遂憩息權

奉酬嚴公寄題野亭之作

前人

拾遺曾奏數行書
懶性從來水竹居
奉引濫騎沙苑馬

幽棲真釣錦江魚
謝安不倦登臨費阮籍
焉知禮法疎枉沫
旌麾出城府
草茅無徑欲教鋤

堂成

前人

背郭堂成蔭白茅
緣江路熟俯青郊
橙林礙日吟風葉
籠竹和煙滴露梢
暫止龐鳥將數子
頻來語燕定新巢
旁人錯比揚雄宅
嬾惰無心作解嘲

西郊

前人

時出碧雞坊
西郊向草堂
市橋官柳細
江路野梅香
傍

架齊書帙看題檢藥囊無人競來徃踈懶意何長

田舍

前人

田舍清江曲柴門古道傍草深迷市井地僻嬾衣裳櫟
柳枝枝弱枇杷樹樹香鷺鷗西日照麗翅滿漁梁

懷錦水居止二首

前人

軍旅西征僻風塵戰伐多猶聞蜀父老不忘舜謳歌天
際終難立柴門豈重過朝朝巫峽水遠逗錦江波

萬里橋南宅百花潭北莊層軒皆面水老樹飽經霜雪

嶺界天白錦城曛日黃惜哉形勝地回首一茫茫

嚴公仲夏枉駕草堂兼攜酒饌 前人

竹裏行厨洗玉盤花邊立馬簇金鞍非關使者徵求急
自識將軍禮數寬百年地僻柴門迥五月江深草閣寒
看弄漁舟移白日老農何有罄交歡

過南鄰朱山人水亭

前人

相近竹參差相遇人不知幽花欹滿樹小水細通池歸
客村非遠殘樽席更移看君多道氣從此數追隨

琴臺

前人

茂陵多病後尚愛卓文君酒肆人間世琴臺日暮雲野
花留寶靨蔓草見羅裙歸鳳求皇意寥寥不復聞

同羣公秋登琴臺

唐高適

古跡使人感琴臺空寂寥靜然顧遺塵千載如昨朝臨
眺自茲始羣賢久相邀德與形神高孰知天地遙四時
何倏忽六月鳴秋蜩萬象歸白帝平川橫赤霄猶是對
夏伏幾時有涼飈燕雀滿簷楹鴻鵠搏扶搖物性各自

得我心在漁樵兀然還復醉尚握罇中瓢

寄題杜二錦江野亭

唐嚴武

漫向江頭把釣竿
懶眠沙草愛風湍
莫倚善題鸚鵡賦
何須不着鷄鷉冠
侍腰中書籍幽時曬肘後醫方靜處
看興發會能馳駿馬
終須重到使君灘

清陰館種楠

蔣堂

手植楩楠二千樹
時當慶歷五年春
還期莫道空歸去
留得清陰與後人

東齋

前人

守土無留事休居有靜齋文纔化僻陋術未迨乖崖古
帙書參畫秋陰竹間槐西人安枕外聊此息筋骸

府衙新書堂

并序

張俞

號略楊保臣由將作屬官隨侍于益府新闢
書堂延二儒者日講文藝俞善其作不類乎
亭觀之事因作新書堂詩以贈之

志士營道日築室養賢名鋤荒出幽邃掃室廻虛明山

嶽凌牆壁谿塘瀉窗櫺蘭衡露景晚松桂秋風生琴瑟
閑古奏樽罍湛寒清默意馳萬象遊心覽八紜羣經牙
粲粲百氏紛營營禮樂立制作文章懸準程唐虞化已
遠周禮道尚行師友得正士訕論無俗聲邪侈不可入
紛華固難傾修辭力工巧勵學逾農耕天爵既自後人
文取其榮元侯方作鎮列士爭獻誠學校溢都市謳吟
遍黎氓寧同稷下議飽食談縱橫

題琴臺

田况

西漢文章世所知，相如閑麗冠當時。
游人不賞凌雲賦，只說琴臺是故基。

揚子雲墨池

即草玄所

宋祁

宅廢經池在，人亡墨溜乾。
蟾蜍兼滴破，斜斗共書殘。
蠹罷芸猶翠，蒸餘竹自寒。
它揚無可問，撫物費長歎。

集江瀆池亭

前人

五月追涼地，滄江刺素漣。
林煙昏岸日，樓影壓池天。
篠密工迷徑，荷欹巧避船。
機忘更何事，魚鳥亦留連。

卷七
江瀆亭

前人

一葦掀翅壓溪隅
吏事初閒此宴居
斷岸有時通略約
輕風盡日戰
栟櫚雲鴻送目揮絃後
容板看山挂頰餘
芙蓉浦青來更數
江人多識使君旗

夏日江瀆亭小飲

前人

飛檻枕溪光
歡言客徧觴
暫雲消樹影
驟雨發荷香
辛臼橙
壅熟庖刀膾
縷長蘋風如有意
盈社借浮涼

司馬相如琴臺

前人

故臺千古恨猶對舊家山
半夜鸞凰去它年駟馬還死
憂封禪晚生愛茂陵間惟有飄飄氣仍存天地間

錦亭晚矚

前人

長夏宜高明緩帶散煩窘憑軒一超然目與天共盡山
從雲端現日就林外隱風來草樹披煙生井閣近自公
况多暇冲臆無留蘊即此可宴居何須事游軒

高亭駐眺招宮苑張端臣

前人

蜀天向臘寒未極倚檻綿睇亭皋分一萍園紅江上日

數蓋淡白樓頭雲
杯中竹葉與誰舉
笛裏梅花那忍聞
願君枉步數相勞
他時離緒徒紛紛

和浣花亭

葛琳

琳啟伏覩運使學士留紀浣花亭詩謹齋沐
繼和拜呈俯揆蕪淺卑衷無任震惕之至

井絡西南區成都號佳麗錦城十里外物景居然異傍

繁浣花溪中開布金地杜宅歸遺址任祠載經祀

按蜀記梵

安寺乃杜甫舊宅在浣花去城十里大歷中節度使崔寧妻任氏亦居之後舍為寺人為立廟於其中每歲四

月十九凡三日
衆邀樂於此

自昔歲一遊有亭久推廢將期汎舟會

先此留旌騎弗基矧肯構後人莫予嗣冠蓋或戾止風
雨亡所庇我公至之初行樂徇人意柂車集賓組幕天
陳燕器苟弗謀高明胡為草媿敝鳩工度材用奢儉求
中制舉從縣官給下靡秋毫費巍然大廈成甚於折枝
易藩條息偃暇時律清和際落成及休辰夙駕忻重詣
羣嬉遂使穀雜處同蠶市棟宇美可觀席筵陳肴次芳
樽既罷撤綵船爰登憩夾岸布緹巒中流喧鼓吹沂浴

煙靄間禽鳥共翔戲都人與士女疊足連惟被弄珠疑
漢曲浮觴均洛禊曠日將暮熙熙衆皆醉況入武陵
源却返塵寰世自是畢遨賞始復專民事農耕士就學
商販工居肆蜀邦生齒繁衣食良藉匱三時急耕播寸
壤無遺棄茲焉俾暇逸所以慰勤瘁上賴天子心慎重
坤維寄既擇邇臣德來秉諸侯瑞且命太史賢出攬
澄清轡第務廣教育孜孜布仁惠匪圖亟聚斂規規
奉邦計和氣斯涵濡羣生皆茂遂乃躋富壽域共樂

升平治不才備屬僚罔補公家利廕宇幸焉依雅聲
慙善繼願比召南篇永歌崇蔽芾

題琴臺

王素

長卿才調世間無拘監君前奏子虛自有賦詞能諷諫
不湏更著茂陵書

同前

呂公弼

煙樹重城側琴臺千古餘早為梁苑客晚向茂陵居賦
給尚書筆歸乘使者車清風覲舊隱長日聳鄉間

同前

韓絳

車騎擁客安在哉
綺琴何事有遺臺
當時卒困臨邛辱
異日寧知諭蜀才
園令官間多病後
茂陵書奏侈心開
文章光燄留千古
陳迹猶存尚可哀
其文章足以覆過獨無遺
跡如墨池者良可哀也

九河張公二月二日始游江以集觀者子華韓
公創樂俗亭為駐車登舟之所抃輒爾賦成一

首

趙抃

長橋東畔輒朱輪。畫棟雕欄錦水濱。
子美浮槎傳大句，乖崖乘櫂看芳春。
酒罇汎汎留住客，鼓吹喧喧樂遠人。
夾岸香風十餘里，晚隨和氣入城闉。
韓公嘗遊於此，故卒章及之。

游琴臺墨池

吳中復

尋春景物乍晴暄。連月餘寒花未繁。
天子琴臺餘古寺，揚雄墨沼但空園。
池邊宿草交加綠，林外鳴禽相鬪喧。
秀麥漸漸搖暖日，幾重蒼翠滿郊原。

西園十詠

并序

前人

成都西國棲榭亭池庵洞最勝者凡十所又
於其間絕勝者西樓賞皓月眺岷山衆熙臨
清池濯錦水志殊土之產有方物快蔭樾之
風有竹洞雜花異卉四時遞開翠幹茂林蔽
映軒戶足以會賓僚資燕息因題十詠以見
登覽之盛也

西樓

信美他鄉地登臨有故樓清風破大暑明月轉高秋朝

暮岷山秀東西錦水流賓朋逢好景把酒為遲留

衆熙亭

亭枕方塘上軒開四照新花涵清露曉風卷綠波春日暖眠汀鷺荷翻躍錦鱗熙熙遊宴地行樂慰西人

竹洞

陰森過百步屈曲鎖莓苔翠色寒無改清風時自來葉籠蒼玉幹路入碧雲堆吏散無公事支筇到幾回

方物亭

草木蟲魚部披尋自古無飛沉天產異生植土風殊物色隨心匠形容記綃圖虛亭玩真意浩思滿江湖

翠柏亭

衆木墜黃葉皴皮抱翠枝自然根性在不為雪霜移靈潤承多露清陰貫四時婆娑歲寒意每到坐遲遲

圓通庵

坐對圓通境陶然勝靜齋觀空無物我扣寂外形骸燕坐埋遺照虛名莫疚懷人間憂樂地所喪甚山崖

琴壇

閑道參
政所建

瀟灑琴壇上賢侯養道情無今亦無古求意不求聲林
邃風初靜雲收月乍明拂絃成一弄塵思浩然清

流杯亭

結客乘公暇流觴逐浩歌亂峯晴倒影曲水宛迴波小
海逢元已蘭亭記永和西州行樂事應比晉賢多

喬楠亭

古木西園勝亭延上客過色無花卉妬堅為雪霜多幹

育千年秀根含一氣和明堂求厚棟可得老巖阿

錦亭

簾幕臨彤檻窗疎照爛霞園林初過雨風日猛催花香
入遊人袖紅堆刺史家四時俱好景終不似春華

華陽縣求瘼亭

范鎮

繁劇尚餘暇幽亭昔創成廉聲風竹遠政事月池清卷
箔客常至臨階禽不驚當年危坐意求瘼在高情

題曹山人墅居

前人

溪接浣花饒勝致山人高隱在其中一江綠竹喧天沸
爭及松篁半日風

留題張少愚屋壁

前人

高隱鄉城下平時仍徃還門開值冠蓋簾卷為江山沛
雨人間待片雲天外閒泥封詔不起朝夕奉慈顏

西園辨蘭亭

呂大防

手種叢蘭對小亭辛勤為訪正嘉名終身服佩騷人字
舉國傳香楚子城削玉紫芽凌臘雪貲珠紅露綴春英

若非郢客相開市幾被方言誤一生

和

李大臨

沙石香叢葉葉青却因聲誤得蟬名驕人佩處惟荆渚
識者知來徧蜀城消得作亭滋九畹便當入室與羣英
非逢至鑒分明說汨没人間過此生

和

李之純

綠葉纖長間紫莖蜀人未始以蘭名有時只恠香盈室
此日方傳譽滿城恩意和風揚馥郁光榮灑露滴清英

庭階若不逢精覽何異深林靜處生

萬里橋西有僧居曰聖果後瀨錦江有脩竹數
千竿僧辨作亭於竹中予與諸公自橋乘舟泝
流過之因名亭曰萬里蓋取其發源注海與橋
名同而實異因作小詩識之 吕大防

萬里橋西萬里亭錦江春漲與堤平
竿舟直入脩篁裏
坐聽風湍徹骨清

蓮司園亭詩 幷序

章案

成都轉運司園亭蓋偽蜀時權臣故宅也清曠幽靜隨處皆有可樂者輒為十詩粗記領略以備他日遺忘庶幾讀其詩足以省憶耳

號云爾

西園

古木鬱參天蒼苔下封路幽花無時歇醜石終朝踞水竹散清潤煙雲變晨暮何必憶山林直有山林趣

玉谿堂

堂因水得名方沼當其後漪瀾蕩櫓桶窗戶挹花柳蟲
魚不避人鷗鷺若相友半枕夏簟涼此樂亦奚有

雪峯樓

曾構壓池塘不僭亦不偏影浮綠水靜寒逗雪山色撫
檻接脩竹連簷引蒼柏注目望長安無奈濃雲隔

海棠軒

珍葩寄幽島正對孤軒植優柔自俯仰紅綠若組織春
酣晴日曛坐久濃香逼池面淨可監朝霞翠澄碧

月臺

蜀地饒夜雨輕陰多蔽天見月月無幾築臺待嬋娟高凝桂影近俯視雲屋連顧盼已塵外欲挹瑤宮仙

翠錦亭

梗楠百尺餘排列拱簷際畏日自成陰隆冬寧減翠虛曠得寂理懶癡資濃睡誰知官府中獲此冲冥味

瀛玉亭

傍砌釅小渠回環是流水石發吐珠涎清響醒人耳風

微竹影碎月皎波光起風爽無塵囂靜適心所喜

茅庵

竹間構圓菴所向自蕭灑珍禽弄巧舌宛是居山野嘿
坐見真心萬緣盡虛假勿陋尋尺地茲焉息意馬

水閣

架木浮水中略約通孤島扶疎花影倒鱗刺跳魚小風
月所得多經營信云巧隱几寂無人朱蘭萃幽鳥

小亭

花邊二小亭雙跨清渠上規摹雖甚隘幽僻良可賞幸
依佳木陰未羨大廈廣不足延賞朋攜筇常獨徃

同前

許將

高牙負北郭芳園路西轉鳥鳴戀故木蘭蛩歸新畹質
新得真
蘭植之坐延花景深行倚筇枝穩翳然想林水會心不
在遠

朱堂俯玉谿玉谿清且幽從公暫息偃撫景空夷猶浮
雲冠負島白日回方流祇此有光碧何必崑崙洲

重樓起城陰乘高望西極列峯橫青天飛雪千里積疑
是空素山冬夏海中白莫恠頻東向上有思歸客

海棠冠蜀花此軒花尤冠紅雲簇藥細綠水照葉嫩倚
粧宮粉聚疊綺霞光散雨淚點春風應懷上林怨

蜀地山四維益州平如掌累臺巒臨風坐看月宵上稍
出叢木末始發衆籟與茲馬蹓遊日一攬天地廣

閬干寶溜長宵寂空埃靜修林寂總翠盡得錦城景雲
舒青青色風散搖搖影未為夜行人共此晝夜永

引泉注清渠潺潺漱寒玉側出閭風遲驟驚江雨速飛
瀨乍揚白樛木細涵綠晝夜聲不止肯効楚人哭

淡茅以為菴環顧蕭然虛內樂苟自足容文即有余旁
依修竹密上翳青松踈勿言此中陋中有君子居

飛閣出方池脩曲見空莽保臨花塢近平覺春波長反
景澄余暉夕陰帶浮爽從容觀魚樂不減遊濠上

扁然溝上亭左右相映帶修柂列翠幄長松偃高蓋地
福景逾寬處約志彌泰誰知坐嘯間心遊萬物外

同前

豐稷

仙花二十四境遠難遍探錦城史君園雅與雲洞參廻
光試一覽紫翠絕西南池映金波淨花霑玉露甘
一水從何來應是崑山頂釀成綠玉池虛堂逗清影公
退冷然賞了非心外境魚泳陽光動鳥啼春晝永

雪峯在何許樓倚青霄端每來注心目不覺生羽翰終
籍好風力雲散銀闕櫛隻履西歸客應笑空倚欄

文錦初動機晨霞欲敷照香傳雪樓濃影落玉谿倒

美不能賦春工一何妙維有賞心人相逢祇寒笑

石印魚在屏犀透星入角廻知明月光日用入不覺陟
此百尺臺余念坐消剥洞曉弦望機仙丹茲可學

簷外列修木凜凜正人氣有德必有文爛兮五色備豈
同夭韻花美春張繡被湏信輪囷財堪為萬乘器

金穀計浩穰山水志闊契晴空倚危樓獨對西山雪胷
中浩氣充物外囂塵絕無何重一吟遠岫窗中列

高軒瞰方池澄波隔鑽窗中島植奇花紫鱗躍錦江水

府集羣仙紅雲翠幢盡圖入禁庭榮耀知無雙

內瑞使蜀

畫闕以進

俗流嗜喧卑世才務高潔築臺僅踰尋清夜延明月四垂天幕低千里蟾光發美人抒奇才裁賦何清絕森森棟深材駢空翥鸞鳳危亭構其間曾不礙穰棟簷陰織翠紋砌溜詣清弄此間宜晝眠一枕華胥夢

回環引細泉泉聲漱簷底美哉智者心清通樂去聲流水琤琮裏鳴球淅沥泛綠綺塵慮無由得何須洗雙耳

結茅作禪菴不卑亦不廣地占官府雄盤基才袤丈几席供燕閒松筠坐簫爽座有逍遙公虛中息塵想

小閣連雪峯憑欄意幽玩紅接海棠洲綠對筼筜岸有時開樽鑿波影侵几案何湧架長虹然後冲雲漢

養源在西山如玉抱精白引之落錦渠歷耳不可擇風雨雜鳴球珠璣寫雲液恰似偃谿聲醒悟迷途客

覆以潔白茅環以琅玕竹天籟旁鼓笙月沼對鋪玉借問清坐翁此外更何欲笑指博山爐香飛柏子綠

長虹臥松江一苇航大河豈如此安穩無復畏風波幽
香草花島魚藻旨且多徙倚小欄曲月色透薜蘿

東西對孤騫杖履可幽歇容光日月來矧此明四徹鱗
木張幄翠蜃泉飛玉潔徃徃得意時宛在廣寒闕

同前

孫闋名

外臺富園池茲焉甲西南異花間棠梅良木森梗楠飄
飄壺中仙疊疊物外談聯毫賦詩題刻石留翠龕
華堂殿去方池雅名題玉谿南榮翠樾陰北望花島低

時聞細泉鳴間或幽鳥啼深宜世外人冥坐窺天倪
蕭森玉谿南小亭屹相向使華雙軺車禪境二方丈固
將物理齊室隘志自廣松竹周四簷足以備幽賞

同前

吳師孟

十紀權臣第修城外臺宅喬木不知秋名花數逾百遠
如山林幽近與塵埃隔惠政裕一方民猶以為窄
華構枕方塘使臺寂佳致二色真楠材輪奐極精緻花
木四面圍如立復如倚一道仰澄清此是澄清地

西北有高樓梁棟雲常起簷牙挂連蟠欄影搖清泚爽
氣雪山來一瞬極千里但欲攄遠懷無憂可銷弭

花漱對高軒如用丹青彰錦水一匱紅玉臺千面笑松
篁兩翠幄常護東西照子細看韶妍方知化工妙

雅意待蟾光煩襟期爽快無雲點太清遠覽周色界天
光淨琉璃露下真沈澁勤渠諗後人宜葺不宜壞

東閣治臺政西堂備燕飲介於二堂間華構饒花品紅
紫鎮長春四時如活錦公暇一繩牀上有通中枕

至入泉石心俚耳便絲竹釀渠逗清冷朝夕涼寒玉試
聽自然聲不減雲璈曲却返倒聞機五音常自足

結茅為園屋環堵不開牖齋居如鴈堂廣長纔六肘深
藏子猷竹不植陶潛柳勿起滅定心宴坐空諸有

形制似方橋島岸相連屬春和逗涼颸晝影浮淨綠佳
人羅韞輕花時相步續澄瀾忽生暈下有雙鳧浴

尺水走庭除花木皆周匝雙亭正相值僅能容一榻公
餘時獨來隱几聊噓嗒興謁或通名東榮有賓閣

同前

楊怡

池臺寥相望曾是故侯宅賞心知幾人喬木已百尺低
花拂烏帽古蘚駭蒼石欲問昔豪華秋風掃無迹
虛堂已深窮那復要營室使君寂無事閉閣臥終日臨
池狎清泚養竹聽簫瑟不為省春耕轍車肯輕出

翛翛樓下竹瀟瀟竹間水樓高雖不見清響長在耳晨
光露西崦積玉照窗紙崑崙亦何人當從跨金鯉
花如窈窕人宛在水中沚當軒有餘妍終日玩芳薦池

清藻堅枝波動魚爭藥錦帳想含春歸心浩然起

嘉木密交陰月夕苦蒼齋高臺出林杪遠目望天際不厭清露寒祗恐輕雲蔽可但少陵翁能思研仙桂

峩峩碧油幢蟲蟲羽葆蓋燕居不廢嚴環竦布亭外禮陰生晝寒微吹發天籟隱几對凝香衣冠嗒如蛻

使君漱流心官府未始忘亭下玉谿水撲碎白玉瑠清耳不待洗高懷自滄浪安得援瑤琴寫此聲琅琅

緝茅如蝸廬容膝纔一丈規圓無四隅空廊含萬象繩

牀每宴坐不與物俯仰惟許歲寒君虛心環几杖
小閣平池陽危橋屬花嶼杖履樂幽閒龜魚蔭深阻刻
柱記新漲美水滌煩暑物我久相忘珍禽近人語
方亭惟四柱對峙花竹間下有雪嶺水淙流日潺潺宛
如雙綵舸纜向春波灣欲起江湖心而奈風濤艱

同前

杜敏求

潭潭刺史府宛在城市中誰知園亭勝似山林同幽
鳥語晴畫好花嬌春風物情如有待賦詠屬詩翁

堂前對花柳堂後瞰沼沚賢有堂中人虛心湛如水煩暑當風窗中宵隱月几作詩紀勝槩詩與水清泚

西山最高峯積雪連四季登樓試寓目八國有故地烽候雖久息武經思豫備文饒背籌邊公意今無媿

東風開百花獨有海棠勝猩血染珠璣點綴枝條勝日暖錦段新雨餘燕脂凝何待東閣梅方能動詩興
明從海上来皎皎入我牖何如登高臺對月把尊酒問
月月無言浩歌詩千首幾人知此樂此樂公所有

材大難為用嘗誇古柏篇亭前老梗楠黛色亦參天夏
暑借清陰秋賴得自然有如愛庭楸朝暮東西偏
林亭幽且深砌下玉谿水淙琤環珮聲晚夕清心耳使
君性所樂愛玩不少已方持利物心默坐窮至理
深深竹林下圓菴最幽僻高懷本恬曠野趣坐間適衆
人奔名徒浮世繫物役豈知菴中樂道勝心自逸
方池導流水橫閣上尋丈晨曦夜月光暈影相滉漾游
魚時出沒龍鷗亦下上終朝倚欄干不見有風浪

二亭雖云小好在泉石間白石自齒齒清泉亦潺潺公
府無留事暫來寄餘閒筇杖烏角巾一日幾往還



成都文類卷七